



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Specvlvm Ivventvtis, Sive Insigniores Pveritiæ Atqve  
Adolescentiae Sanctorvm**

**Bosendorf, Hermann**

**Monasterii VVestphalorvm, 1615**

VVinvalocus Abbas 3. Martij.

**urn:nbn:de:hbz:466:1-42900**

fit, rogat: ipsisq; affirmantibus, latus, se pro-  
pediem ad futurum spondet. Itaq; vt vni ipso  
experiendo disceret, possitne eius vitæ labo-  
res sustinere: in arctam semet cellulam conie-  
cit, atque ad dies quadraginta, iuxta leges ere-  
mitarum S. Crucis vitam traduxit. Quo gene-  
re viuendi plurimum roboratus, & nulla dif-  
ficultate absterritus, clam omnibus ad eam  
montis Catriæ solitudinem Christo milita-  
turus discessit, & breui in ea religione maxi-  
ma sanctitatis laude præluxit,

*Spretis ho-  
noribus  
Christo  
militat.*

## M A R T I V S.

*S. Christo- ADMIRABILIS PVERITIA S. VVIN-  
phorus puer  
crucifixus  
in Hispania*

*Vvaloci abbas apud Sur. Tom. 2.*

*3. Martij.*

*A puero  
pietati de-  
ditus.*

**V**Invvalocus illustri parente Fraca-  
no, Cotonij Regis Britanniæ con-  
sobrino natus, in ipsis primæ ætatis initijs, ece-  
pit ardore desiderio rerum cœlestium, mundi  
respuere illecebras & soli Deo velie viuere.  
Quocirca parentes suos importunis precibus  
solicitabat, vt literarum studijs imbuēdus cui-  
dam viro Dei traderetur. Cumq; id renueret  
pater, malletq; ad sacerulares eum dignitates ac  
negotia promouere; pius puer dolens se fru-  
strari voto, ad diuinā opem attentissimis pre-  
cibus descendam, se cōculit: quam proinde  
vberrimam fuit consecutus. Patri enim rus  
profecto horrenda cœli tonitrua, ac fulgura  
tantum

tantum terrorem incusserunt, ut metupene  
exanimatus in terram corrueret. In has igitur  
de in prouiso redactus angustias, animaduer-  
tit diuinitus isthoc fieri, Deumque ab ipso re-  
poscere filium, quem ille mundi nexibus vel-  
let implicari. Itaq; mox in has prorupit pre-  
ces: Domine Deus, rex omnipotens, cuius san-  
ctissimæ voluntati par est neminem oblucta-  
ri: scio quod causa filij mei, quem tibi deuo-  
tum, ego mundanis rebus destinaueram, ist-  
hæc patiar. Sed ecce eum tibi deuoueo, tuum  
ego tibi restituo: quin etiam ambos eius ger-  
manos fratres, natu maiores, tuæ militiæ li-  
bens transcribo. Eadem vero paulo post fili-  
um suum, ad quendam virum sanctum dedu-  
centi rursus oborta seu visu tempestas, quæ  
serenum diem, nocturnis tenebris coæquabat,  
metum stuporemque incuslit: Cui religiosus  
puer VVinvvalocus seculo & hilari animo,  
noli, inquit, timere pater. Num censes diffici-  
le ei, qui ex nihilo omnia creauit, hanc aëris  
tempestatem in placidissimam tranquillita-  
tem conuertere? Cum sint vero omnia possi-  
bilia credenti, fideles ei preces offeramus, &  
restituet nobis serenam lucem. Simulatq; ve-  
ro ab illis oratum est, tempestate dissipata af-  
fulsit gratissima serenitas: quæ res itineris co-  
mites ad agendas Deo gratias laudesq; permo-  
uit. Quod cum narrante patre vir sanctus au-  
disset, admirans puerum suo conspectui listi  
iubet. Prodiens igitur VVinvvalocus puer, to-

E 5 tum

tum se humili prosternit, & Deum in sancti vi-  
ri pectore habitantem adorat. At ille vir ve-  
nerabilis gratiam Dei in pueru tacitus con-  
templans, patri eius dixit: Hic filius tuus æta-  
tem moribus transcendens, permultis erit cau-  
sa salutis æternæ. Et tu quidem ætate eum  
puerum conspicis, ego verò animo eum iam  
cerno virum perfectum. His dictis exilara-  
tus parens, relicto ibidem filio, domum se re-  
cepit. Porro Sanctus puer VVimvalocus,  
pro carnali parente amplectens spiritalem,  
sub illo non modo literarum, sed etiam virtu-  
tum scholam ingressus est, breuique tempore  
pro ingenij felicitate magnos in literis pro-  
gressus fecit, ita ut in ipsis adolescentiæ annis  
etiam in diuinorum intelligentia scriptura-  
rum nō mediocriter excellere videretur. Ob-  
tinebat sancti huius pueri animum ingens er-  
ga pauperes commiseratio, & cum videret Iti-  
pem publicè emendicantes, non raro ab imo  
pectore ductis suspirijs, lacrymas fundebat:  
cumque non suppeteret quo eorum inopiam  
leuaret, solebat eos pijs souere consolationi-  
bus: & qui corporibus non posset saltem ani-  
mis aliquod adferre leuamen. Successu vero  
temporis pluribus à Deo miraculis illusbra-  
batur, ibatq; quotidie de virtute in vir-  
tutem donec videret Deum deo-  
rum in Sion.

Misericor-  
dia in pau-  
peres.

EXEM.